



**Quæstionum Canonicarum, In Quinque Libros
Decretalium, Tomus ...**

In Librum I. Decretrialium, Per quadraginta, & tres Titulos distributum, in
quo agitur De Constitutionibus, Seu Legibus universim ...

Krimer, Ferdinand

Augustæ Vindelicorum, 1706

Articulus I. Qui possint postulare de jure civili?

[urn:nbn:de:hbz:466:1-73031](#)

tunc erat, quam aestimabatur, inaequalitas haec in conscientiae foro ad aequalitatem reduci debet: immo etiam in conscientiae foro remedium rescissionis (*ex L. 2. C. de rescind. vendit.*) dari deberet, perinde, ut in aliis onerosis, ac reciprocis contractibus, si laesio ultra dimidium justi fuit; sicuti bene cum Bartolo, & aliis docet Molina *tr. 2. de just. D. 556. n. 16.*

^{2636.} Not. tamen, talem rescissionem in transactionibus concedi vix solere, nisi laesio *enormissima* sit; ideoque dolus presumatur; uti docet Layman *in c. ult. n. 2. & hic, n. 2.* vel nisi minor natu, aut Ecclesia in hujusmodi transactione laesa sit; tum enim ei Judicis officio succurritur per in integrum restitutionem, juxta *L. 1. & 2. C. si adversus transactionem.*

Alter effectus est, quod, esto transa-

ctio, actionem civilem non pariat, si celebrata sit *nudo pacto* (nam ex nudo pacto de Jure Civili non nascitur actio per superius dicta) pariat tamen exceptionem, *L. 17. C. h. t. nimurum litis finita, c. 1. de litis contestatione in 6.* Et quamvis sit exceptione peremptoria, tamen opponi potest ante, vel post litis contestationem; & item decidit, ac si res in judicio decisa esset; & ideo in *c. 1. h. t. vocatur, decisio cause;* quia equiparatur rei judicatae; *L. 20. C. h. t.* non tamen nisi inter partes; Zoësius *hic n. 4.* Pro fine notandum, eum qui fuit *Advocatus* alicujus in certa causa posse postea esse testem ejusdem in instrumento transactionis super ea, *c. ex literis, 6. h. t.* quia sic non est *Advocatus*, & testis, in eadem causa.

* * *

QUÆSTIO XXXVII. IN TIT. XXXVII. DE POSTULANDO.

^{2637.} **P**ostulare, hic idem est, ac in judicio apud Judicem exponere suum, vel amici desiderium, vel alterius desiderio contradicere; *l. 1. Q. 2. ff. h. t.* Est munus *publicum*, & hoc sensu tam pro Aetore, quam Reo postulari potest; immo etiam iij, qui *Advocati* non sunt, dum pro se causam agunt apud Judicem, postulare possunt. Cæterum postulare, strictius loquendo, sumitur *pro munere Advocati*; qui alias etiam Patronus causæ, Orator, & Causidicus vocatur, ut notat Tholos. *in Syntag. Jur. Univers. c. 2. n. 6.* Nam hujus jus est, postulare pro alio, nimurum, ut clienti jus suum reddatur, de qua *V. Cod. in Tit. de Advocat. divers. Judic.* quamvis autem, & *Advocatus*, & *Procurator*, postulare dicantur; tamen plures inter eos differentiæ numerantur à Pirhing *h. t. n. 2. his positis.*

ARTICULUS I.

Qui possint postulare de jure civili?

^{2638.} **R**esp. quod omnes, qui nullo jure prohibentur. Prohibentur autem aliqui editio, aliqui lege, aliqui sententia, qui prohibentur *editio*, sunt in triplici ordine. Nam aliqui prohibentur *in totum*, ut nec pro se, nec pro aliis postulare possint; tales sunt minores 17. annis; furiosi, turdi;

l. 1. §. 3 ff. h. t. aliqui tantum *pro alijs*, ut mulieres; cæci; infames; *cit. L. Q. 59.* Excepte tamen mulierem ratione tutelæ in causa filij; arg. *c. Ex parte 67. de appell. Layman in c. de Judic. n. 3.* aliqui *pro certis tantum* possunt, nimurum, parentibus; liberis; fratribus; sororibus, uxoribus; & alijs conjunctis, forte ad quartum gradum, ut notat Pirhing *hic n. 4.* quibus adde illos, qui pro aliis tutelam, vel cautionem gerunt, *L. cit. §. est equissimum, & §. ut initio;* & omnes infames, *c. Infames 3. q. 7* Nam infames, *editio*, ne quidem volente adversario, admittuntur *L. 7 ff. h. tit. Lege* prohibentur, qui SS. Ecclesiæ Mysterijs non sunt imbuti, *C. fin. h. t. Judges, & Arbitri, in eadem causa;* *L. 6. C. h. t. Potentiores, L. 1. & C. C. ne potentior;* Pacti cum altero de quota litis *L. 5. 1. G. h. t.* vel alio pacto, quo alios vexent, initio, *L. 6. §. 2. c. h. t. sententia* verò prohibentur omnes, quibus vel in totum, vel ex parte *advocantibus* est interdictum, *L. 8. c. h. t.* Et haec de jure civili. Not. autem, litigantes posse sibi pro libitu *Advocatos* eligere, *L. 2. c. h. t.* quamvis interdum contingat, si partes ob in opiam, vel metum potentioris adversarij *Advocatum* habere nequeant, illis aliquem à Judice assignari ex officio, *ex L. 1. c. h. t. & ff. 7. L. ed.* Et

Hh h h z

quo-

Tom. L.

quoniam munus Advocati publicum est; nemini negare potest suum patrocinium sine probabili, seu justa causa; secus foro perpetuo interdicendus, neque unquam admittendus ad postulandum, per L. 7. C. b. t.

ARTICULUS II.

Qui possint postulare de jure Canonico?

2639.

Questio est, qui postulare, vel Advocatum agere Jure Canonico prohibeantur? Resp. 1. Clericum constitutum in sacris, vel etiam in minoribus, si beneficiatus sit, prohiberi postulare in causa seculari coram Judice seculari, c. Clerici, 1. h. t. & c. Sacerdotis 3. eod. Excipe, nisi pro se ipso, vel Ecclesia sua, vel (si necessitas postulat) pro conjunctis, aut miserabilibus personis postulet, vel in judicio agat, c. 1. & 3. h. t.

2640.

Ex hoc colliges 1. Clericum, etiam in Sacris constitutum, habere personam legitimam standi in judicio, pro se, & suis proprijs necessitatibus agendo, advocando, procurando; sic expressè habetur in c. 1. h. 2. ibi: nisi propriam causam, vel Ecclesiam sue, fuerint prosecuti; aut pro miserabilibus foræ personis, quæ proprias causas administrare non possunt; sic Barbosa *ibid.* n. 4.

Colliges 2. Clericum non beneficiatum, & carentem patrimonio, licet posse postulare, seu Advocatum, aut Procuratorem agere coram Judice seculari; Barb. cit. n. quod à fortiori procedit coram Judice Ecclesiastico; intellige tamen, si alijs medijs statum non dedecentibus, non possit egestatem sublevare.

Colliges 3. Monachos non posse in foro seculari postulare nomine suo, & pro se; quia nihil proprium, ac nullius rei dominium habent in sua persona particulari: posse tamen nomine sui Monasterij cum licentia sui Prælati, si ejus utilitas, vel necessitas hoc exigit, c. 2. h. t. c. Monachi à Monasterio 16. q. 1. nec tantum pro rebus Monasterij; sed etiam pro amicis ejus ex titulo gratitudinis; sic Innocentius in c. 1. h. t. Hinc Salzedo (apud Barbos. cit. in c. 2. h. t. n. 2.) refert Lupū Abbatem, Monachos suos altissime ex lucro suæ Advocationis.

2641.

Colliges 4. per eadem jura, quibus conceditur, vel prohibetur Monachis postulare, idem etiam concedi, vel prohiberi

Canonicis Regularibus; cum & hi, ratione professionis, proprium non habeant, nisi in communi; Barb. cit. n. 2. in fin. c. 2. ubi hoc definitum est de Monachis, non ratione Ordinis Monachalis, sed ratione professionis, vi cujus non habent proprium; sic Vivianus in *hunc Tit. n. 2.*

Ex hoc colliges 5. Scholasticos Societatis Iesu cum licentia suorum Superiorum, licet postulare pro se, & nomine suo, etiam in foro seculari; quia status eorum nec ratione Ordinis, nec ratione suorum votorum, quibus constituuntur verè Religiosi, adimit illis, etiam in propria ipsorum persona, dominium rerum temporalium, ut constat ex Greg. XIII. in Constitut. Ascendente; consequenter habere possunt proprium. Ratio ulterior est; quia omnes, qui habent, vel habere possunt proprium, possunt sua repetere, & agere de mandato Prælati, ut expressis verbis docet Hostiensis in summa, de postulando, n. 7. sub fin. Deinde Clerici pro se possunt postulare, in judicio etiam seculari, ut constat ex c. 1. & 3. h. t. Scholastici autem Societatis sunt verè Clerici; ut per se patet. Nec obstat, quod sint Clerici Regulares, seu Religiosi. Nam 1. Religiosis non est prohibitum postulare cum licentia Prælati pro se, & rebus suis, si habeant proprium. 2. quia Clerici, etiam non regulares, pari passu ambulant in hoc punto cum Regularibus, ut notat Hostiensis cit. ex c. fin. ne Clerici vel Monachij; at Clerici non Regulares pro se licet postulant, quando habent proprium; ergo & Regulares. Sed de his plura dicemus l. 2. tit. 1. de judicij.

Præter hæc not. 1. Clericum, qui præsumit esse Advocatus contra Ecclesiam, cuius est Clericus, vel in qua beneficium habet, propter hanc ingratitudinem, posse illo privari; c. fin. h. t. ibi: Clericus autem, qui contra Ecclesiam, à qua beneficium obtinet, pro extraneis Advocatus, vel Procurator esse præsumit, tanquam ingratus, potest (maxime si Clericus sit ejusdem Ecclesiae) beneficio hujusmodi spoliari. Not. 2. prohibitum postulare, seu advolare, non prohiberi allegationes juris domi confidere, ac consilium etiam in scriptis pertinentibus dare; ita Sanchez in decal. tom. 2. lib. 6. c. 13. num. 32. Unde, qui Jurisperitos, aut viros literatos, ab alijs consul-